

僊居縣志卷之十四

隱逸列傳

倦之士老死岩穴名湮沒不傳者可勝道哉彼不事王侯高尚其志固未嘗乏也豈無上書不報歸隱鹿門者乎豈無泣湘江痛哭讀離騷者乎豈無立志較然不浮沉如水中鳧者乎蓋皆有不得已于中匪偶然也志而傳之俾世之策馬入京赴不求聞達科自稱巢父而拜宰相塵者惡焉

宋

呂逢時字原道幼端慤警悟博覽羣書嘗受知于

僊居縣志

卷十四 隱逸

一

陳邑今襄入太學名噪甚鄭解友之駙馬都尉錢景臻師之欲奏以官固辭後隱于白岩山羅提刑適以孝廉舉之亦不就

林訪字達本元祐中將上禮部以親死廬墓不果後遂築草堂于東山隱焉其高臥東山詩有脫巾坦腹臥其下此身直與淵明儔句具見輕世肆志之意大觀中詔求八行郡縣以訪應不憚復去之丞相米芾立碣表其墓

將晉字造道歷官評事與時相忤遂棄官歸隱于中川之葛山下吳龍圖芾稱其仕不殞身去不

忘君云

呂徽之字起猷號六松長于詩宋亡隱居萬竹山中漁樵自給一日大雪携褚幣易粟富家聞其分韵賦詩有得滕字者苦吟不就徽之笑曰何不舉滕王蛺蝶事衆迎入請成之援筆而就隨以曇字請亦立就交噴匕歎服問姓字不答與之粟曰吾豈受不義者必易之卽刺船去從而尾之路甚迂僻雪霽往訪見草屋低小松蘿翳然四無人聲頃之童子至詢所之曰步魚溪上詣之呂方蟻舟隔岸遙揖曰諸公曷先如舍遲已逸莫知其處

僊居縣志

卷十四

隱逸

二

我乎少選徽之携魚換酒歸盡懽別他日復往  
蔣仲珏文行重于鄉深自韜晦高枕柴門怡然自得屢荷徵辟皆不就

翁森字秀卿號一瓢書無不窺人叩之舉傳疏不遺一言或歷代史上下四三千年纚匕如貫珠僉呼曰翁書厨宋亡隱居教授從游累八百餘人有一瓢稿行于世

柯春字大年號養拙甘貧力學與郭侍制磊卿張殿元同甫爲方外友二先達慎交游寡出獨詣

春信宿忘歸嘗自云不能測也

孟大武字世公工詩詞以從軍得名授嚴州司戶  
叅軍頃之托疾歸隱有詩曰掃地石盆冷閉門  
春書長具見高致

張勇字義中號敬修幼立操行博學好古誘掖後  
進如不及海內問奇字者踵相接至垣舍勿能  
容朱文公熹以常平使行縣輒詣其門與論致  
知之學熹常自愧不如元祐間呂思蘘作亂欲  
羅之幕下義不爲賊污後且遮說戎帥姚平仲  
于賊俘中別平民全活者甚衆壽八十卒門人

僊居縣志

卷十四

隱逸

三

私謚之曰文子

陳柏字茂卿文學吳梅卿弟子也天資高邁究心  
理學嘗作風興夜寐箴以自惕四方學者輻輳  
其門王平章燦郭侍制磊卿皆道子從焉卒稱  
南塘先生

元

戴道顯字均用深沉有卓識方國珍起兵東南人  
多附之道顯獨決其無成珍欲聘爲謀主不就  
將劫之遂亡匿山中

明

鄭栢字希順準之弟隱西山巔嘗作採蕨詩云鋤  
破青山雲打碎黃昏月兒女欲充饑不知親汗  
血

張棟字廷泰號閱耕性曠達無城府高尚邈世篤  
嗜佳山水肆意遨游動踰旬月輕財恤貧乏邑  
中恃以舉火者數十家成化間以例入太學甲  
辰陝西饑輸粟七千石佐賑之詔授宣議郎除  
工部主事不赴少隨父宦蜀歷瞿塘劍閣諸勝  
皆有詩名三巴游草行世方伯蔡霞山刺史范  
柏軒爲作前後叙子表字文正奇字文瑞並博

僊居縣志

卷十四 隱逸

四

學有異才林司馬介山嘗稱爲張氏二龍云  
陳勳字延祿時郡守奉詔求逸民以勳應避去善  
詩賦鷺鷥有云紅爪踏翻魚屋碎素翎蘸起雪  
花飛人傳誦之子堂塘世其學謝祭酒鐸董太  
守孔昭與聯詩社

張榮壽字廷勳號尋樂天性篤實美丰儀少習舉  
子業稍長棄去鍵戶自媵修有遺世獨立之概  
工詩文人巧得其一言如獲異珍邑大夫張翔  
數詣其門寫水竹圖贈之

楊相字永贊號此峯與弟傑稱淡泊先生者並以

詩知名張大叅圭山盧侍御瑞川嘗與之游勸  
之仕笑曰烟霞已縮吾襟帶間矣士各有志不  
必強同也

張提字廷器號西坡邑諸生天資穎敏七歲讀書  
數行俱下日記萬言長遂以文雄後應省試經  
七里灘登子陵釣臺慨然有高尙之志輒返棹  
不果晚益肆意于詩語輒驚人與顧黃門劍湖  
尹京兆遇齋唱和稱安洲十騷而提每執牛耳  
子理字文治任廣西思明府知事歷仕終鬱林  
州同知以廉能稱

倦居縣志

卷十四

隱逸

五

應瓚號琴窻王一寧外孫也幼携之游長安一寧  
應制賦神京八景上稱善瓚次韵語尤高麗一  
寧奏呈其詩上大奇之曰斯真王學士甥乎命  
送中書肄業亡歸長遂放浪詩酒不營仕進以  
諸生終有琴窻集句行世

張堂賞字崇茂號禹門別駕成德孫少補邑博士  
弟子員才學敏贍操筆數千言立就性俠烈多  
豪舉大義所在雖賁育莫能奪嘗自許于世無  
雙每挑燈讀史至荆聶傳輒號泣驚呼人以爲  
狂盧鄭二忠臣廟圯力請王邑侯寵麟創祠于

南峯之下七應舉于鄉下第已而嘆曰此童子  
羞爲者吾可溺是哉遂去去隱居以五經授其  
徒從游者數百人自律甚森門生故人多隳仕  
未嘗少干無義丈夫以軒冕榮者諫之所著  
有英雄覽竹窻雜俎台忠烈傳及紀年詩畧行  
世

戴暹字時昇家貧勵志于學郡廩生旣貢筮得蠱  
之上九不果行築別業于里之一溪隱焉

季哲字必英號屏南以詩鳴浙越所著有耻顰吟  
程榜眼松溪林博士介山序之其送別詩云幽

僊居縣志

卷十四

隱逸

六

鳥岐亭催客旆西風歸馬促吟鞭寫景詩云花  
柳東西兩河路樓臺遠近幾人家蘊藉深厚堪  
登岑孟之堂

蔣盛輔字德佐號葵陽少爲邑總局俄棄去折節  
讀書好行其德周人急恐不逮諸圯道頽梁悉  
傾貲往鳩葺之觀止詞墨客握手不能脫與應  
司馬圖南善手校樂安詩集若干卷行世